

# Разные молитвы

Собрание русских народных и апокрифических молитв на разные случаи жизни. Читайте также [разные заговоры](#).

## 1. Молитва после еды

*Я, когда поем, всё говорю:*

Благодарим те, Христе Боже наш, яко насытил еси нас земных твоих благ и не лиши нас небесного твоего царствия.

*(Зап. в д. Ивановское (Герасим Двор) Архангельской обл.)*

## 2. Молитва, если испугаешься

*Воскресная молитва. Читать надо кажды день. Если испугаешься.*

Да воскреснет Бог, и разверзнутся врази его и да бежать от лица его ненавидящие его. Яко исчезает дым, да исчезнет, яко тает воск от лица огня, тако да погибнут бесы от лица любящего Бога и <нрзб> крестом знаменным. Да возвеселятся ликующие, (радуйсе) кресте Господнем, прогоняя Беса. Силою на тебе попятого Господа нашего Иисуса Христа. Во ад сшедшего и поправшего силу Дьявола и давшего нам крест свой честный на прогнание всякого супостата. О пречистом животворящем Кресте Господнем, Помогай мне со Пресвятой госпожой Богородицей и со всеми святыми небесными. Всегда, и ныне, и во веки веков. Аминь.

*(Зап. в д. Жеребцовской (Заколупино) Архангельской обл.)*

## 3. Свиток иерусалимский

*Свиток иерусалимский послание знамения Господа нашего Иисуса Христа:*

Во святом граде иерусалиме, бысть явление первое во святей церкви, глас с небеси невидимо к людем, в третьем часу дни спаде камень мал и студен, а

тяготы ему никтоже может ведати. Патриарх же иерусалимскийи совсем собором нача молебное пение пети, по три дни и по три ноци. В четвертыи же день камень той развалился на двое, и обретесе в нем свиток Богом написан, а нем тако глаголет Бог: послушайте людие мои человеколюбия моего и наказания аз есмь Бог ваш пишу вам первое и второе послание и неверуйте. Небо и земля мимо идут, а словеса моя непрейдут, уже вам окаянным многия времена и лета писал, уже дни скончеваются, и страшный престол Господень поставляется и судныя книги разгибаются, и вся тайныя ваша дела обличаются, и аз есмь Бог ваш Иисус Христос, прииду судити живым и мертвым, и воздам комуждо поделом его безумнии человецы, поживите в любви между собою, и делайте правду, воскресение Христово и праздники Господни чтите честно и душевно, а нетелесно. В среду поститесе того ради, ибо жидове мене ко кресту пригвоздиша, и в ребра мои копием прободоша, да ваша, беззакония, а воскресение воскрес аз из мертвых: и вся умершия воскреси с собою. Тоже воскресение Христово, подобает всякому человеку православному христианину чтите, аще который человек воскресение Христово труждается, и хочет себе приытку, и тот человек збирает на главу свою вечный огонь. И погубит у себя все шесть дней в неделе, а седьмый день воскресение Христово дал вам рабом и рабыням на упокой, а праздники Господни празднуйте честно с любовью, а необьядением и пьянством, друг друга любите, и прославите имя мое. Сироты и вдовицы милуйте, а за то сами помиловании будите. И вы безумнии человецы смотрите, како невернии языцы Бога не знают, а милостыню творят, и Богу молятся по своей вере. А вам дан закон мой, а крещение есть вы же человецы безумнии по моему закону не ходите, и делайте неправду. Аз есмь Бог ваш долготерпелив и многомилостив не до конца прогневаюсь на вас окаянных. Жду вашего обращения и от злых дел покаяния послал бы я вас погубить до конца за беззакония ваше да еще молитсе за вас Пресвятая Богородица и ангели ваши хранители, еще аз умилосердихся до вас окаянных и аще не станните среду и пятницу, воскресения Христово и праздники Господни почитать, и правду делати. Аз на всех вас окаянных напущу многия неверныя языки, и пролию кровь вашу неповинную, и неправду вашу, и напущу на вас мразы и огонь палящъ, и мор на человеки и на скоты, и аще непокаетесе: спущу на вас жажду, не дам вам воды, изсушу реки и источники, за злыя дела ваши и за неправду вашу, не дам вам дождя на землю и теплоты солнечныя во время плодов ваших. И аще еще не покаитесе, и спущу на вас камения горящия, и воду кипящую, и не можете укрытисе от крепкия моя рука, и от всевидящего ока моего, и спущу на вас звери лютыя змии двоеглавыя и крылатыя поядят сердце

ваше, и плоть вашу за неправду вашу. Аще еще непокаитесь, видящий гнев мой праведный, и аз спущу на вас звери лютыя крылатыя, главы орловы, власы женския, и спущу на вас тму великую и вы окаяннии востаните аки звери и припадши к земли друг друга начните раскапывати гробы умерших своих. И речете отцем своим матереем и братьям и сестрам умершим, примите и нас к себе, уже гнева Божия не можем терпети. Тогда отвращу лице свое от вас, и не послушаю гласа вашего, ни плача ни рыдания. Слепи сердцем душегубцы, лукавии научились есть от диявола веельзеула и ангел его. А не от мене Господа Бога. Брат брату завидяще, и друг другу прелюбодеюще и немилостиви, оставили есть свет, а возлюбили тму и како земля вас не пожрет за ваша беззакония грабите чужее имение а своего много. А милостыни не творите, нищих не милуете, и за это сами непомилованы будите. Разумейте безумнии человецы, которыи ответ можете дати в день судный пред праведным судиею, егда прииду судити живым и мертвым, и воздам комуждо поделом его. И вы человецы покайтесь и за то примите живот вечный. Уготована вам мука вечная за умножение грехов ваших и за неправду вашу, и аще кто сему писанию не будет верить и глаголет яко ложен есть. И тот человек буди проклят. И примет смерть горькую, наследит муку вечную, а не живот. Неудобно вель буду сквозь игольные уши пройти, тако и богатому в царствие Божие внити. Горе тому человеку в день судный, которыи аще попа укоряет и церковь Божию сквернословит. Аще кто послушает сего Божественного писания, и тот человек наследит царствие небесное и от Бога превышен будет. Горе клеветником и разбойником, и блудником которыя блуд творят, с чужими женами, а жены с чужими мужами. О горе скоморохом и плясунам, которыя дарит их, да будут прокляты или которой поп кому в чем досадит, а в церковь Божию ходит не простясь, церковь бо моя небо. Горе тому попу, которыи не воспитает к заутрени воскресение Христово и праздники Господни, или не учит детей своих, стразу Божию и закону Господню. И не читает святого писания пред народом, или кто утаит сей свиток буди проклят. Аще которыи человек с верою послушает сей свиток, то грехи ему отпустятся. О горе тем людем которыя в церкви божию говорят, во время Божественного пения, како на тех людей не найдет огонь с небеси и не пожжет глаголющия, в церкви, послушайте людие мои человеколюбия моего, поживите в любви и в совете творите милостыню нищим и убогим братьям моим возлюбленным, аз дам вам больше прежняго, молитесь со страхом и трепетом, воскресения Христово и праздники Господни чтите, в церкви Божиеи не говорите матерно не бранитесь, друг друга любите, на покаяние ходите ко тцем вашим духовным о гресех своих кайтесь: О горе

человеку тому, которой звон просыпает и пения церковного не слушает. О горе пияницам. Християнином нарекается, а повсяк день пьян валяется того ради гнев мой не утишается, окаяннии человецы покайтесь, дни ваши окончеваются последняя приходят времена, а вы не радеите о будущем всуе. Радеите о богатстве и о пьянстве. Смертныи час готовится и друг другу прощение сотворите, и долги должником отдавайте, и отец небесныи отпустит вам согрешения ваши. Послушайте людие мои человеколюбия моего, поживите в правде в любви, и разумеите последнего моего писания к вам, от мене отца вашего небесного во святей троице славимого. Отца и сына и святого духа ныне и присно и вовеки веком. Аминь.

*<Переписано с рукописного текста.>*

*(Зап. д. Большая Горка Архангельской обл.)*

#### **4. Молитва к Пресвятой Богородице**

*Молитва ко Пресвятеи Богородице, пред иерусалимскою ея иконою. Глас 5-й.*

К кому возопию, Владычице, к кому прибегну в горести моей, аще не к Тебе, Царица Небесная? Кто плач мой и въздыхание мое примет, аще не Ты, пренепорочная надежда христиан и прибежище нам грешным? Кто паче Тебе в несчастиях защитит? Услыши стенание мое и преклони ухо Твое ко мне, Владычице, Мати Бога моего, и не презри требующаго Твоея помощи, и не отрини мене грешнаго: вразуми и научи мя, Царице небесная, не отступи от мене, раба твоего. Владычице, за роптание мое буди Матерь мне и покровительница! Вручаю себя милостивому покрову Твоему, аще токмо восхощеша устроити о мне, приведи мя грешнаго к тихой и безмятежной жизни, да плачуся о грехах моих. Увы мне! К кому прибегну повинный аз, токмо к тебе, упованию и прибежищу грешных, в надежде на неизреченную милость Твою и щедроты. Коели слово за преступление мое изрещи возмогу к величеству славы Твоея? О, Владычице, Царица Небесная! Ты мне Мати и надежда! Ты ми упование и прибежище, покров и заступление, и помощь. Царице моя преблагая и скорая заступнице! Покрой своим ходатайством мое преступление, защити мене от врагов видимых и невидимых; умягчи сердца злых человек, возстающих на мя. О, Мати Господа моего Творца! Ты корень девства и неувядаемый цвет чистоты! О, Богородительнице! Подаждь ми помощь немощствующему плотскою страстию и болезнующему сердцем: едино бо твое и с тобою Твоего Сына и Бога нашего

имею заступление, и Твоим пречудным заступлением да оправдан буду и избавлюся от всякия беды и напасти всеильными молитвами, всечистая и Непорочная и Преславная Божия Матерь Мария. Радуйся Благодатная, радуйся обрадованная, радуйся Преблагословенная, Господь с Тобою.

*<Переписано с рукописного текста.>*

*(Зап. в д. Большая Горка)*

## **5. Молитва архистратига Михаила грозному Воеводе небесных сил**

Господи Боже великии, царю безначальнии пошли Господи Архангела своего Михаила на помощь рабу своему, имрак. Изяти мя от врагов моих видимых и невидимых. Господи Господи Архангеле Михаиле излей мира на грешного раба своего. Имрак. Господи Господи Архангеле Михаиле демоном сокрушителю, запрети всем врагом борющимся со мною. И сотвори их яко овцы, и скруши их, яко прах пред лицеем ветра. Господи, Господи Велики Михаиле и Архангеле первыи княже и воевода, небесных сил, Херувим и Серафим, и всех святых Господи. О, чуднее Михаиле, Архангеле хранителю неизреченнии. Буди мне помощник во всем во обидах, во скорбех и в печалех, в пустынях, и распутиях на морях, и на реках тихое пристанище. Избави мя, Великие Михаиле Архангеле, от всякия прелести диавольския. Егда услышити грешного раба твоего. Имрак. Молящегося тебе, и призывающего имя твое святое, ускори на помощь мою. О, великии Михаиле Архангеле. Победи вся противящияся мне силою честного и животворящего креста Господня, и молитвами владычицы нашея Богородицы, и святых Ангел и святых Апостол и святого пророка Илии, и святого великаго Николы чудотворца. И святых великомучеников Никиты и Евстафия, и преподобных отец и святых святителей и мученик и мучениц, и всех святых аминь. О, Великии Михаиле Архангеле помози мне грешному рабу свему, имрак. Избави мя от труса и потопа, от огня и меча и от напрасныя смерти, и от всякаго зла, от бури наносимыя и от лукаваго, избави мя Великии Михаиле Архангеле Господень, всегда ныне и присно и вовеки веком. Аминь.

*Аще кто сию молитву чет на каждый день, поутру и по вечеру. И ащели от жития сего приставится, то ад душу его не примет.*

*<Переписано с рукописного текста.>*

*(Зап. в д. Большая Горка Архангельской обл.)*

### **Источники разных молитв:**

1-5 — Магические практики севернорусских деревень. Заговоры, обереги, лечебные ритуалы. Записи конца XX — начала XXI века. Том I. Архангельская коллекция. Пропповский центр, Санкт-Петербург, 2020.